



植品自敘



余少好花木手自種蒔從先大夫遊蜀歷燕趙  
齊梁又聽南中人稱說每聞一奇卉輒爾色飛  
旣歸中南困諸生二十餘年又困公車荒園數  
畝中僅僅秦產間有自南方來者又須重價購  
求而先大夫宦篋蕭索兼以壬寅臘月禍于祝  
融負廬田飽妻子不足邠有餘貲市茲翫物是  
以殊方異卉經見者實少今老矣乘皇華問四

方之俗則無此福緣棄兒女爲五嶽之遊則無  
此精力暇日坐小樓命管城子疏園中花木  
所目見合以耳聞略具數十種其有辨證不  
回余半豹僭綴長言非敢謂識過古人亦聊以  
就正君子云爾書成命曰植品蓋取諸其類以  
爲之名也嗟夫性分動植情介有無同歟死生  
並遊宇宙然則腐敗之物寧獨草木人雖賦靈  
巧者多矣而談者乃曰不肯與草木同腐朽  
哉

孫三立余取言焉余茲言寄之草木其始曰草  
木以不朽命者哉  
萬曆丁巳四月旣望蓋屋趙臨屏國父書

牡丹本名鹿韭又名鼠姑醫家多用其根  
皮則其來已久但古不甚重以為翫耳至謝康  
樂集中始言水間竹際多有此齊楊子華有牡  
丹回壺佳蓋六代稍稍鑿賞開元中裴士淹得  
白牡丹汾州植于私第明皇沉香亭初植四本

蓋三庄趙岫屏國著

牡丹本名鹿韭又名鼠姑醫家多用其根  
皮則其來已久但古不甚重以為翫耳至謝康  
樂集中始言水間竹際多有此齊楊子華有牡  
丹回壺佳蓋六代稍稍鑿賞開元中裴士淹得  
白牡丹汾州植于私第明皇沉香亭初植四本

名木芍藥至召李白形之詠歌其流傳猶未廣  
故盛唐詩人詠牡丹者家少不工正元中已與戎  
葵爭勝矣文人學士至爲譜廿六名類多不可究  
詰歐公以洛陽者爲第一而口東出青州南出  
越州今則不然極盛者北則洛陽長安南則毫  
州耳越州雖有皆自北販往無土產者余從先  
大夫蜀中少牡丹有亦不花花亦不大余友閩  
人鄭夢禎言閩中亦絕少其十一不宜也且牡丹  
品類古今絕殊蓋種花家收子種之則善變大  
都不過黃紫深紅淺紅白五色色狀稍異便加  
美名以故今之牡丹名尤不可究詰時地旣異物  
性亦以殊陵谷滄桑無足怪也

古牡丹譜有姚黃牛家黃甘草黃又有御衣黃  
太真黃淡鶯黃今長安絕無黃牡丹聞三十年  
前曹叅政韓家有一株今亦無矣一宗侯號壽  
軒者其家有黃牡丹懼王之索取而藏之不知

然否

近種牡丹者出一種千瓣色類雄黃命名曰雄黃球一時極貴重之余致得二本果足爲牡丹第一品諸紅色者皆不及

牡丹無藍色者敝鄉先達張僉憲幾與三原馬

光祿理同年久別一日張至三原訪馬握手未

及平生驪先曰余得翠色牡丹一株公知之乎

此語可爲絕倒然翠色牡丹今絕無不知馬家

種尚在否如得之真奇品也

下此則紅者佳不過王家大紅大紅獅子頭韓

家紅等淺紅者佳不過魏紅觀音面古銀紅桃

紅綉球等紫者佳不過茄色紫墨葵紫等白者

佳不過白舞青猊一尺素佛頭青等名類旣多

不能都備况貧士園地有限當擇其佳者植二

三十株以供三月賞翫耳

慎氏花木考栽培牡丹法于花本去地五七寸

許截之乃接以泥封裏擁以軟土以箬作罨子罩之不令見風日唯南向畱一小孔至春乃去其覆今長安亦接牡丹但取肥枝削尖挿牡丹肥根或芍藥根上擁以土余曾接之不能過不接者不必爲也

又曰種花以細土用白斂末和之蓋牡丹根多引虫白斂能殺虫亦殊不然牡丹喜陽喜燥惡濕惡陰如土高燥焉得有虫敞聖地下濕多生螬須擇高處向陽植之用白斂則佳

澆花亦無時看花根土燥則一澆之但不可于日午水熱傷花日未出或日落則其時也高燥地猶宜數澆十一二月澆下濕則不然五六月亦宜澆以培來歲花

慎氏謂一本數朵者去其小者止留一二朵謂之打剝花纔落便剪其枝勿令結子余按牡丹花頭俱于隔歲胚胎非若芍藥菊花隨生隨分

者盛者一枝數花皆能大能繁何必打剝花開  
後第三葉間卽作筍尖是來歲花至次歲上段  
自枯剪之反傷其枝但九月初間速剪其葉懼  
雪壓枝折耳

又曰春初置棘花藜上以避霜亦不然余見燕  
中地寒牡丹冬中多用草裹不然則凍死關中  
若裹輒死雪愈多來歲花愈盛地氣不同也  
分牡丹以八月掘出視其根可分處分之栽以

細土灌以河水盛者來歲卽花

芍藥名竅古本草一名將離廣雅曰黑牽夷詩  
云伊其相詭贈之以芍藥牡丹後出唐呼木芍  
藥蓋以比芍藥也今遂壑芍藥至呼芍藥爲小  
牡丹又以牡丹爲花王芍藥爲花相

崔豹古今注又云芍藥有二種草芍藥木芍藥  
木者花大而色深俗呼爲牡丹非也安期生服  
煉法又有金芍藥木芍藥二種金者色白多脂

木者色紫多脈此又以根別或當是今醫家所用赤白芍藥二種耶

芍藥之不如牡丹者花遲發一也無老枝二也花無高佷掩暎三也香減四也然則宗袞譜落政自宜

芍藥名類充多大都如牡丹不過黃紫紅淺紅白數色耳栽培之法于九月十月間掘起去其老根揀嫩而有芽者二三芽作一藪栽以細土無不盛者不分則老而芽細花小分太數則根小而花不舒大約不過三五年一分花後便屈其枝冷向根八月剪去或火之則來歲花大舊說芍藥維楊者甲天下今長安洛下亦多有之似不獨維楊

又一說牡丹芍藥花後去其葉澆以酒可使十月再花貧士安得如許酒須語富貴家試之

余友徐廣文汝爲偕計入都徐故識一中官引

遊內苑時正月上元牡丹已開黃者亦只一株  
繁盛可愛此時尚寒蕙地尤甚當是人力所成  
中官云芍藥亦二月開但不曉用何法  
楚詞補注曰蘭香草至秋乃芳本草云蘭與澤  
蘭相似生水傍紫莖赤節高四五尺綠葉光潤  
尖長有岐陰小紫花紅白花而香五月盛  
辨證復引劉次莊云今沅澧所生花在春則黃  
秋則紫小黃魯直云一幹一花而香有餘者蘭一

幹數花而香不足者蕙今按本草云似澤蘭處  
處有之可推其類以得之矣蕙則自爲零陵香  
尤不難識與人家所種如黃說者皆不相似劉  
說則又不分明未知所指果何物大抵古之所  
謂香草必花葉皆香而燥濕不變故可刈爲珮  
若今之蘭蕙花雖香而葉無氣香雖美而質易  
萎非古人所指甚明不知自何時而誤耳  
遯齊閑覽曰蘭或以爲都梁香或以爲澤蘭又

以爲猗蘭草今當以澤蘭爲正又有一種大葉  
門冬春開花極香此名幽蘭非真蘭也蕙卽零  
陵香鄭樵又云蘭卽蕙卽零陵香

王元美曰滋蘭九畹種蕙百畝十二畝爲畹九  
畹百畝正相當古所画蘭皆宜興產者漫被山  
谷獨漳建蘭香色絕人價亦貴今以興蘭爲蘭  
而漳建蘭爲蕙又非也楚中絕無蘭蕙如漳建  
者何言百畝按本草薰草亦曰蕙草葉曰蕙根  
曰薰一說卽零陵香零陵香芸香也恐亦未的  
然

王敬美又曰一莖一花者蘭宜興山中特多今  
人絕重建蘭建蘭盛于五月其實皆蕙也

據朱陳二公則楚詞所佩之秋蘭朱以爲似澤  
蘭陳直以爲澤蘭非今所謂蘭也今蘭乃陳所  
謂幽蘭者然二公以蕙爲零陵香今則以一莖  
一花爲蘭一莖數花爲蕙如黃魯直說其謂爲

零陵香者謬甚當以王元美爲正但元美亦似不能辨蘭蕙敬美宦閩中親見建蘭閩中人家皆種之而曰閩山中絕無不知種自何來是不能百畝可知矣然合數說似黃魯直說爲是未知博雅者以爲何如

中南山中極多蘭有三種一紫一白一綠然皆一莖數花至有十四五花今南中極重建蘭至爲譜其名類亦衆有二十餘花者政與中南所產不異余從山中時取盆種以代建種一歲種一二十盆但此品喜陰惡風日培灌得法可使盛開所可怪者山中無灌溉殊又不畏風日霜雪而皆葱菁茂盛一入家園便煩愛養不然必稿者非其性也

王敬美又云虎丘戈生得一本于重慶高山葉長而梢潤潤如劍韻態高于建產花細而紅大類刺彩線爲之乃朱蕙真奇種也余從先大夫在

重慶八年所見皆如中南產惜當時無以敬  
言告我者

又說蜂採百花俱置翅股間唯蘭花則拱背入  
房以獻于  
今欲辨蘭蕙何不伺于蜂巢乎書  
之以發一咲

菊本字鞠爾雅名落藩凡數種雁麥爲大菊馬  
蘭爲紫菊烏喙苗爲鴛鴦菊旋覆花爲艾菊又  
有筋菊有白菊有黃菊有紫莖氣香者有青莖  
而大者今似止以黃菊白菊紫莖青莖者爲菊  
餘不謂菊也

菊譜古有二十七種者有三十五六種者有七  
十種者今則不止七十種矣其名亦與古多殊  
物性隨時變易無足怪者

藥品中所用甘菊花似是紫莖而黃色味香可  
食一種然此種花小殊不堪翫

大都種菊宜鬆土宜歲易地宜澆而惡水五六

月間有垂名菊虎食菊多于日未出時須慎防  
之打剝過八月發萼時太其小者留其大者一  
枝十數萼足矣留頭須踈花開上盆置之齋頭  
遮蔽風日可供月餘賞翫

河南人以蒿根粗者接菊一本作紅黃紫白數  
色吾家人多能之然不足觀

菊有名夏萬鈴者紫色以五月開有名夏金鈴  
者深黃以六月開皆未見

近又有六月菊子種作五色然惡草也似不足  
供翫

鄠縣李白村劉胤者性好花木有尤甚編籬打  
剝至忘寢食晚年爲菊所傷其一目然至死弗  
怠也菊遂爲長安之冠余嘗欲作傳記之而未  
果

又有向日菊者萬曆間西番僧始携種入中國  
幹高七八尺至丈餘上作大花如盤隨日所向

花大開則重不能復轉初中官以重價購以進  
時未有名

上賜名向日菊後其種漸布民間丙午丁未間  
關中多種之遍滿籬落然其花類一大蜂房醜  
惡特甚余絕惡之僅一二年人遂無種者

又有西番柿亦萬曆間自西方來蔓生高四五  
尺結實宛如柿然不堪食其蔓與葉臭不可近  
比之向日菊尤甚今亦無種者矣

蓮最多名爾雅曰荷芙蕖其莖茄其葉葭其木  
蓊其花菡萏其實蓮其根藕其中的的中薏

分枝夜舒等蓮皆載傳記不可得見今世有百

子蓮黃蓮白千葉蓮碧臺蓮花白而瓣有一羣

點房上抽一綠葉又錦邊蓮蒂綠花白每瓣似

以胭脂染邊又竝頭蓮品字蓮四面觀音蓮種

種奇絕余多未見偏園所有僅百子蓮白千葉

蓮紅千葉蓮又有一種蓮千葉多不能開將開

時須以手分之俗名剝絲頭不佳不足種也  
慎氏花木考云種藕以酒糟塗之則盛試之良  
然

護草一曰萱又名忘憂以食之可忘憂又名宜  
男以婦人佩之宜男有三種一單瓣一千瓣一  
有香單瓣者又有二種一開以四月一開以五  
六月四月開者葉細花小色殊勝五六月者香  
萱以七月開中州人謂之金簪余盆種之與玉  
簪秋海棠三色作伴色香相偕大益秋容  
紫金蟬本草名鳶尾草色紫碧可人

射干與鳶尾同類但射干抽莖高花紅黃耳俗  
名板竹花

玉簪有二種紫花者無香六月開白花者有香  
七月開皆喜陰白者一名白鶴香此與黃萱鳶  
尾射干俱同類以根分籬邊砌下宜種

山丹與百合同種而花紅黃無香中南山丹似

不足種而閩中山丹深紅色一葉百莖一花四  
英如綉球四月開至八月尚爛熳又有四時開  
者名四季山丹王蘧伯明府之栩遊閩有閩文  
木識欲以紅綉球名之而王敬美學圃雜疏云  
初見閩人來賣一花云是紅綉球倭國中來者  
余至建寧見縉紳家庭中花簇紅球儼如剪綵  
名曰山丹乃知閩人已名爲紅綉球矣想其形  
色當是竒卉惜無從致之

百合一名夜合根甜可食花有二種一白一蜜  
色蜜色者更香但日出卽無香日落則香爲可  
恨耳此花多種根花俱可食五月月明乘風夜  
坐香氣可人而王敬美竄惡之比之曼陀羅曼  
陀羅株葉花氣俱惡殊非其比吾爲百合稱寃  
矣王元美云百合香殊甚其好惡不同如此

又一種名虎斑百合花黃紅有黑斑無香葉間  
結黑子不足種其根與山丹百合皆可食

石竹本草名瞿麥又名大菊花五色雜出色色  
可人有單瓣者有千瓣者名洛陽花

剪紅羅有二種一春末開一秋開秋開者特紅  
故有春羅秋羅之名當與瞿麥同類但有大小  
之別耳本草瞿麥陶隱居注亦云有兩種一種  
微大花邊有叉極復一種葉廣相似而有毛花  
晚而赤豈所謂晚而赤者是耶

鷄冠其狀有掌片球子纓絡其色有紫黃白又  
有二色一蒂三色一蒂皆堪種

今醫家取白鷄冠子作青箱子用按本草青箱  
子與鷄冠子并列恐非是

蘓子由詩注又以矮鷄冠爲玉樹後庭花尤謬

王敬美雜疏臭梧桐維楊間植之中庭或云柳

後庭花亦非是或又云楊州瓊花是後庭花今瓊花無種未知孰是

鴛粟千瓣五色俗名米殼花又種名虞美人瓣  
短而嬌又種名滿園春夾瓣飛動

又一種麗春五色單瓣如蝴蝶飛舞格物論云  
惟金陵獨盛今在處有之俱子種宿根尤佳  
金錢花倍名夜落金錢段戒式云本出外國梁  
大同二年進來中土梁時荊州椽屬雙陸賭金  
錢錢盡以花足之魚弘謂得花勝得錢格物叢  
話謂此花巧似錢但欠稜郭以余觀此花不過  
與金鳳花同儕殊無足上供而古人乃重之何  
也豈別是一金錢耶

金鳳花一名石鳳仙又呼菊婢有單瓣重瓣紅白  
粉紅紫淺此系藍有白瓣上紅點名灑金各色幻  
出其葉嬾人取搗和白礬染指甲成紅色子名  
急性子入藥

葵吾地有二種一種黃色赤心尖葉夏末秋開  
爲葵一種圓葉五色雜出有單瓣有千瓣五月  
開爲蜀葵又名戎葵考之古又有蒲葵菜葵錢  
葵又有所謂一丈紅者亦葵種也今皆不知何

者是

古人盍重葵菜爾雅翼云爲百菜王公儀所拔  
右丞所折周顥所稱皆是今菜品中絕無名葵  
者竟不知何葵當是菜葵

慎氏花木考云成化甲午倭人入貢見蜀葵不  
識問之國人給曰此一丈紅也其人以紙狀其  
花題云花于木槿花相似葉與芙蓉葉一服五  
尺闌干遮不盡尚留一半與人看然合璧事類

云葵花紅者不多見浙人種之倍號一丈紅則  
一丈紅之名自宋以前有之慎氏偶未考耳

秋海棠古無名余極惡之其葉面青背紫其花  
嬌紅綽約可人但喜陰一見日色卽瘁王蘧伯  
明府品此花一扎云花葉俱媚不似春花膩紅  
數朶枝幹木彊已耳此曾不得比妃子花固着  
遇不遇也漫書之爲秋海棠增重

蜀中有一花名延景草本極肖秋海棠態與色

微不如耳彼中以盆種贈遺貴人似亦非賤品  
且冬至開至夏至方謝甚爲奇卉根當時不攜  
來近聞蜀人云有子可種續宜致之  
花之有芒刺者黃白薔薇月季玫瑰寶相佛見  
咲黃紅刺梅餘糜白木香吾地皆有之但連藜  
延蔓非寬地不可

薔薇五色唯黃者佳玫瑰色媚而香可食宜多  
種紅黃刺梅不大佳寶相佛見咲俱無香但餘  
糜香宋人絕重之王敬美云疑卽今白木香如  
今餘糜白而不香定非宋人所琢此說是

迎春花蔓生二月初開用以蟠綉大石亦殊可  
觀然宋人却以玉蘭爲迎春今廣中尚仍之

又種小通草花黃金色藜生一葉一花吾地名  
棣棠非是棣棠自是棠梨類

又種藜生延蔓一蓓十花名十姊妹自一蓓中  
分紅紫淡紅白四五色又有一蓓七花者名七

姊妹皆可觀

十樣錦葉漸變紅紫黃綠四色老少年秋深梢  
葉變紅色唐宮人題紅葉詩卽此

鴛鴦菊是烏喙花花有帽去之中有二鴛鴦頭  
克肖又名雙鸞此物吾地人家作曲用之極多  
甚至有數十畝者不謂貴也

水仙非吾地產有二種皆自南方移來一單瓣  
名金盞銀臺一重瓣名玉玲瓏王敬美云凡花  
賢重瓣而水仙獨以單瓣爲賢爲其香甚也余  
皆種之其重瓣者未嘗不香但南方地煖十二  
月開吾地則正月盡始開非壅肥則不能開地  
氣然也開時以白瓷盆種一株置朱漆小几上  
儼若與姑射仙人相對

鳳尾草產江西余在蜀中聞曹中丞

大埜

自江

西携歸一本高丈許極可愛余時尙衙署中不  
得一觀近吾大行侄奉使彼中囑使携一小者

亦以驛夫艱于遞運竟不遂所願深以為恨

金銀花本草名忍冬又名鷺鷥藤又一種每蒂

有一小荷葉承之名荷葉鷺鷥藤皆二花一蒂

初開白漸變黃宜種以高架

凌霄花附大樹蔓延開亦可觀但其氣墮胎不

足種

藤花紫色種之年久延蔓開時壺可觀長安景

龍池古藤虬曲可愛余友崔一敬從其尊人中

丞公在播州山中藤大于長安者十倍矣

杜鵑花一名山躑躅一名映山紅一名山石榴

葉細花小色紅可人亦有黃者紫者千瓣者五

出者浙中極多吾地絕無永嘉何無咎詩益部

名花稱望帝月支異卉出戎王屬對精工望帝

即指此戎王出杜詩萬里戎王子何年別月支

今竟不曉為何物

馬蘭一名紫菊色紫碧葉如蘭但吾地人家植

作地界甚賤之

使君子花如海棠柔條

開實可作茶供

牽牛花碧色八月開傍

落而上亦可觀吾地

人家種取子貨作藥其

之

蓼花有大紅者宜水邊

綴

吾地有一種花叢生有芒刺葉如玫瑰色如魏

紅牡丹稍深結一實圓圖黃色亦有刺似石榴

倍名海石榴非是只是一種刺梅

金雀花高深父以爲儼狀飛雀可愛余殊不喜之

綉墩草虎鬚草綉墩久能盤作墩虎鬚稍勁俱是麥門冬苗然則麥門冬亦有二種矣

吉祥草不甚佳高深父云不易花花便爲吉祥吾地年年作花亦不聞爲何祥

韻草葉長大深綠色稍勝吉祥

萬年竹葉尖圓以上五種俱盆種

菖蒲草有二種水中者臭

中南山中有翠蛾翠色可愛亦草花佳者

余嘗謂馬蘭之色烏喙之巧枳殼之清此三花

者以習見減價幽香遠韻政貴知希爾

枳殼見下卷

關中盆草惟綉墩以下五種耳對雖有上盆者

不能如南中之巧屈曲作蒼老狀虎丘僧多爲

之以售于好事者余見鄉人携來一栢高不盈

尺而老榦踈枝儼若天成又一梅亦高一尺許

老榦已枯大如小兒臂傍出笋枝綠色欲滴而

著花三四萼皆竒品也此北方所不能及

涇陽潘中舍

伯茂

有園百畝中有樓臺池榭植

花木從南中延一人姓楊號山師治諸對肖古

人画筆馬遠董源倪瓚皆能爲之又鑿石作嵌

空爲假山奇狀百出園遂甲秦中丙辰夏大水

漂沒一夕而盡豈陽侯河伯解妬人耶

余邑侯邁伯王公

之彬

爲孝廉時遊閩中作閩

文木識一卷余爲序之今附于此

往余從先大夫長蘆宦邸得與閩中鄭夢禎遊  
予時年舞象卽癖花木手自種蒔不休夢禎則  
爲予言閩中木實以離支爲最花以佛素爲最  
予聞之不勝色飛予蓋從先大夫蜀中得食離  
支頌蜀中離支味絕出閩下如佛素則所未見  
者旣歸中南居益僻于諸花木雖百方購求而  
每憶夢禎言猶爲遺恨歲癸丑邑侯王公來手

一編屬予曰此予遊閩所識花木也識首離支  
佛桑而又廣以虛仁李佛手井山丹美人蕉四  
種子受而讀之慨然有感于鄭夢禎之言焉予  
惟夫物數有萬而達人大觀卽無不可以津涉  
九流鈴鑊六秬者毛詩爾雅出二瞿人手備物  
章義共致極矣下之稽神志怪傳誕妄於將來  
異俗冰風侈見聞於掌故種種不同槩之不離  
于博物君子之致耳閩於中原最遠其地寒暑

絕異故物產因之離支貢自趙陀司馬相如張  
曲江白香山頗言之而蔡君謨尚嗤其未見君  
謨譜凡三十二品不聞公所識楓亭狀元紅者  
獨曾子固狀有一品紅狀元紅出福州爲近似  
佛桑一名朱槿見南方草木狀與公識後先相  
發又似以朱槿爲薺而佛桑別一種者又爾雅  
休無實李崑崙之丘有沙棠實味如李無核崔  
奉國家李肉厚無核識者謂乖龍耳血墮地所  
生虛仁李豈是耶南中極重真甘至有穰侯之  
稱韓彥直譜二十有七不及佛手佛手或近世  
始有之芭蕉則紅蕉甘蕉牛乳羊角背載稗官  
美人蕉卽紅蕉但矮小異爾百合別種曰山丹  
而公所見乃如綉球綉球玉藥也狀殊不類大  
都物氣變移託根于風土名義錯互代乘於文  
辭故類婆娑以北檣柚封南瓊瑤殊名蕙蘭莫辨  
蘭子疑子雲之賦以給窮右軍之書諸如此類

似皆難以拘方論者獨怪予家去閩六千里而  
遙而聞之產一聞鄭夢禎言再見于公所識先  
後相去凡三十年一奇也王公蘄州人夢禎別  
予後仕守蘄最與王公善王公之于予乃夢禎  
先後故人夙緣巧合又一奇也予以尚平累謁  
躋西夷而王公嘗一至夢禎家足跡遍閩粵其  
山川風俗多能言之抑又一奇也古有以卧爲  
遊者予不佞以聞諸夢禎者合諸王公子始所  
謂卧遊閩者哉

似昔難以拘方論者獨怪予家去閩六千里而  
遙而聞之產一聞鄭夢禎言再見于公所識先  
後相去凡三十年一奇也王公蘄州人夢禎別  
予後仕守蘄最與王公善王公之于予乃夢禎  
先後故人夙緣巧合又一奇也予以尚平累踰  
躋西夷而王公嘗一至夢禎家足跡遍閩粵其  
山川風俗多能言之抑又一奇也古有以卧爲  
遊者予不佞以聞諸夢禎者合諸王公予始所  
謂卧遊閩者哉



俱有如結楊梅者南方不甚重之移之吾地則  
供翫矣

又聞有練對接成墨梅真奇品未見

南方氣暖梅于十二月便開吳中則正月開吾  
地須二月中白梅猶異如紅梅粉紅梅無香只  
與杏花同

蠟梅中州有磬口者花如白梅果奇品吾地蠟  
梅多尖瓣香色俱減謂之狗英梅唯長安保安

王府有一株在內室窻下云是國初來相傳者  
香色可敵中州爲長安梅第一花時折贈人咸  
寶之然其種不廣聞伊家取此梅子種園中花  
便不如不知何故余家園中有一株稍次保安  
而視諸家者爲勝須多分栽以廣其種

又按范石湖梅譜云本非梅類以其開與梅同  
時而香近之故曰梅今蠟梅十一月卽開不與  
梅同時則其說未爲的是

辛夷一名木筆以其花初生如筆也紫白色而香對有合抱者花時尚未葉二月開唐人所謂木末芙蓉花山中發紅萼又辛夷花盡杏花飛也今中南山中極多而不易栽長安城中乃少唯秦邸有大對辛夷余偏園有二株余手植大餘拱矣

玉蘭吾地本無自南方來以辛夷本就接花白色香過辛夷秦邸亦有大對玉蘭民間尤少

古又有木蘭大至爲舟楫而今不見今有玉蘭古却無王元美引楊備詩曰木蘭枝密對仍高

堂下花光照節旄列鼎重茵歌舞地金章同色

使君袍調其花似慘紫非純白豈木蘭玉蘭本

一物管紫而今白耶漁隱叢話感春詩辛夷花

高最先開洪慶善注辛夷北人呼木筆南人呼

迎春然木筆迎春自兩種木筆色紫迎春色白

木筆叢生二月開迎春高對立春開所謂先開

植品下

乃迎春耳王敬美又引之以爲玉蘭嶺南尚呼  
迎春卽辛夷卽木筆也敬美又云近閱宋小說  
又有名玉蘭爲白辛夷者則木筆爲辛夷而迎  
春白辛夷玉蘭本名審矣

余按王元美疑玉蘭卽木蘭敬美說但辨玉蘭  
爲白辛夷木筆爲紫辛夷竟不知木蘭何物余  
以數說參考漁隱謂木筆色紫的是今辛夷然  
曰叢生則似未見辛夷辛夷有大至數百圍者

玉蘭爲白辛夷亦的是但曰  
筆不然今木筆正辛吾地人

取其芳烈也又按合璧事類木蘭

紫苞甘泉賦列新雉于林薄師

曰薄新雉卽辛夷爲樹甚大非香  
之而曰辛夷先花後葉卽木筆

如桃花色一紫色白樂天有題

光上人詩紫粉筆含尖火燄紅臙

然則辛夷正自有桃紅紫二種與  
蘭粉紅辛夷紫之說合而洪慶善

又因甘泉賦而誤矣然則紫者

石爲紅辛夷或卽古木蘭政與侏

白者爲白辛夷今改名玉蘭宋

爲迎春者是三物俱可名木筆但

俱產白辛夷南中獨多而紅辛夷

之博物君子

近有山中人語余曰辛夷花有白者若熒則玉

蘭中南山中亦有自生者矣何必就接

海棠品類甚多曰西府曰木瓜曰貼梗曰棠梨

曰垂絲

李贊皇曰花木以海爲名者悉從海上來海棠  
之類是也

沈立曰其花五出初蠶紅如臙脂點點及開則  
漸成纈暈至落則若宿粧淡粉其蒂長寸餘淡

紫色於葉間或三萼至五萼爲蓂而生其蓋如金槩蓋中有鬚三如紫絲其香清酷不蘭不麝其實狀如梨大如櫻桃至秋可食味甘酸

陳思曰張冕賦蜀中海棠詩比山木瓜水林檎曰大約木瓜林檎與海棠相似燹此特棠梨花卽沈立所稱者非真海棠惟紫綿色者乃謂之海棠

又曰閩中漕宇海棠極盛三面二十四蓂長條修榦每春著花有如紫綿揉色者亦有不如此者蓋其種類不同不可一槩論也

據此數說則海棠亦無定論王敬美曰海棠中西府最佳西府之中紫綿尤佳以其色重而瓣多也徐氏兩園對皆叅天西園木瓜尤異今關中所有二種大對海棠正與沈立說合無所謂西府紫綿色者貼梗海棠以木瓜本接花紅如硃砂不能高大俗訛呼爲山茶此種有子生者

河南尤多叢生作條正如陳思所稱閩中漕宇  
之海棠然則前一種是棠梨花後一種爲貼梗  
皆非真海棠唯西府紫綿色爲海棠也  
又木瓜之名實未見今大樹海棠開花宛肖木  
瓜花豈卽是耶

垂絲海棠關中極少余初未見有花傭持一樹  
榆葉桑條曰此穿心梅花余植之花時枝頭殆  
遍初作粉紅開將殘作桃紅大如指頂後又有  
花傭見之曰此垂絲海棠也以櫻桃本接及觀  
王敬美疏亦曰以櫻桃本接則此真垂絲海棠  
矣但譜云長蒂垂莢向下此却不然何也

此外又有淡紅粉白二種淡紅者結實白粉白  
者結實紅紅實者又有一種大如林禽此當是  
丹奈然其花實形狀都與沈立所稱海棠相似  
此皆古所稱赤者棠白者梨二類也  
余有大對海棠二極爲奇觀作霏香館其下余

取其嫩條截兩頭十月間栽之卽生生者有一  
株花變淡紅結子差大而帶紫色固知海棠之  
無定論物性土宜有變易耳

前代謂昌州海棠香至指此以爲佳郡今重慶  
府榮昌縣是也余在重慶不聞有香海棠然未

至榮昌後謂熊右丞

應占

熊榮昌人語次問之

熊云海棠則有香則未也古人言亦未足信

杜子美無心海棠詩鄭谷云子美無心爲發揚好

事若遂謂子美母名海棠可咲子美于花木豈  
嘗遍心及無海棠詩亦偶然耳後世非惟誣鱣子  
美抑且不解鄭谷詩

關中無山茶謬以貼梗海棠當之大自可咲山  
茶惟滇中爲勝南中亦多有之其名有磬口寶  
珠白寶珠等磬口南人以爲常寶珠則貴矣就  
中有一種外作大瓣中如鶴頂色殷紅曰滇茶  
王敬美于福建林中丞家得之云傳自蜀中余

在蜀未之見今其種吳中漸廣鄉人有宦蘇州者嘗帶二株歸余乞得一株極佳但北方寒不甚宜其花苞多則不能開然王敬美吳中人已作屋置之于隆冬矣關中可知敬美又云葦多輒摘僅留二三朵花更大良是

此本吳中已煩就接蓋用磬口山茶本此地無有或木瓜本亦可會須試之

白寶只珠九月開關中絕無余亦未見友人劉馨遠有山庄近漢中曾于彼中見白山茶花小僅如貼梗海棠

滇中五色山茶大如碗樹高數丈山中多有開時遍滿巖谷友人李可楨于彼親見談之令人色飛

紫薇在蜀中四月開十月方已吾地則不能五月中始開八月即已一名百日紅又曰怕癢樹然蜀中呼此爲紫荊非是

又一種紅色者名紅薇色勝紫者關中少唯中州多有之皆佳品

又有白薇不佳不足種

紫荊又名紫丁香有一種白荊名白丁香紫花者茄色皆柔媚垂垂以其形似丁香故名二花俱香而木理極細亦香類旃檀

慎氏花木考引宋僧行持詩大樹大皮裹小樹小皮纏庭前紫荊樹無皮也過年此正指紫薇而曰紫荊乃知蜀人之呼有自來矣

又有一種紫荊花皆著老枝間紫色勝所謂紫丁香者但無名俗名回回紫荊亦分二種有軟枝花繁者

桃花尋常之外有緋桃碧桃余皆有之高深甫云有緋桃花如剪裁名蘇州桃有粉紅千葉開遲名二色桃未見

又有壽星桃矮而花紅色結桃大亦可翫

杏花尋常之外有千葉者但恨花稀耳若繁當不減紅梅

李花白亦自可人

安石榴花絳紅單瓣結實外有千葉而不實者有千葉而實者有白千葉而實者亦有不實者有黃者有粉紅者又有四季開花者名四季榴樹特矮可盆種皆可觀燕中備有之吾地無黃與粉紅二種燕中冬入窖不則凍死吾地不必也

吾邑東城忽生榴樹每至科舉年結實或一二或三則其年中式者必如其數隆慶壬申八月淫雨城頽榴樹亦墮趙知州爾守昇歸將至山外遇

王知縣櫟折去一枝各植之皆生次年趙中第

一王中第五余友徐廣文爲作異榴傳記之

梨花無地不生韻致可人不可不植王敬之天曰溶溶院落何可無此君良是

綉球北方所無長安何錦衣承勛自南中一  
本今入秦邸涇陽潘中舍少遊江南亦有之余  
從潘乞得一株此種當是玉葉所謂狀如廿余葉  
拓葉紫莖冬凋春茂者也玉葉非瓊花胡一元瑞  
辨之已明但不言是今綉球又有聚八仙一種  
昔人以當瓊花者亦非

山礬所謂瑒花南中產近秦亦有之

梔子佛言蔭蔔花陶貞白謂翦花六出刻二房七

道其花香甚者也謝靈運又目爲林蘭可爲佳  
卉而王敬美乃曰香氣殊不雅何也

梔子又有千瓣者花葉差大此花蜀中折枝插  
之卽活去吾家二三百里中南山南人家種亦  
成林移來吾地便不甚茂殊爲可恨

桂有黃白紅三種黃者香甚亦不宜吾地植之  
難得花花亦不能繁吾從先大夫在蜀蜀中桂  
合抱花落時黃金布地天香襲人見此數蕊殊

增懊惱唯陳指揮圖有庄彭麓山下植桂一株  
入冬作屋爨之近三十年高與簷齊作滿樹花  
差強人意

茉莉花移自南海香殊第一然皆盆栽過冬便  
枯高深甫云冬中向陽地上掘一淺坑下盆令  
平上以篾籠罩之固以紙勿令見風極燥稍以  
水潤其根次年取出換土栽過余曾爲之不能  
至次年奈何然深甫杭州人已如此說王敬美  
吳中人亦云花事過便成枯株無怪關中之不  
得久享此君也

又有素馨花亦與茉莉同類余未見慎氏謂卽  
茉莉單瓣者

閩中有佛桑花一名朱槿極奇余友鄭夢禎曾  
爲言之王蘧伯文亦識昔記此花但恨道遠莫  
致之耳

瑞香宋時始著名合璧事類謂葉不同花紫如

丁香唯亦小枝者香烈枇杷葉者能結子他有黃  
白二種特野瑞香今有三種紫粉紅白白者葉  
有金邊名金邊瑞香長安人貴金邊一種秦郎  
拜宦南中者數家有之政當是野瑞香余因記  
少時蜀中多有此花亦不甚貴

中南山中有一種葉極類瑞香花亦香粉紅白  
二種花儘以當瑞香貨之然似是而非

六人蕉亦產南中比芭蕉短小而花紅玉遽伯  
明府閩文木識記之但秦地芭蕉亦爲奇草冬  
須籠罩安得有美人蕉

又友人張臬云賣花者持一花云紅麒麟似芭  
蕉而小燄花如鷄冠意是美人蕉惜未見

芙蓉有數種大紅粉紅千瓣單瓣皆非吾地產  
亦可種十月截枝長尺許作窖藏之明歲清明  
後取栽盛者當年花但可恨秦地霜早將霜時  
每花頭下卽有斷痕霜落便萎矣

荷花謂之芙蓉此花形狀相似故亦以芙蓉名  
美之也合璧事類曰或又謂之木蓮蜀中極多  
芙蓉而又有木蓮花余曾于銅梁湯峽口見之  
慎氏考木蓮生巴峽民呼爲黃心對大者高五  
丈身如青楊葉如桂花如蓮四月開迨謝僅二  
十日忠州鳴王谿生者尤茂元和十四年命道  
士毋丘元志寫懽其遐僻因題絕句有云雲埋  
水隔無人識唯有南賓太守知

夾竹桃亦南產萬曆初秦邸始有極貴今賣花  
者取其子種之皆生三年能花長安中好事者  
至數十本至其花色如桃開久可翫但懽其無  
香

南燭子凌冬不凋雪中深紅可觀一云神僊家  
青精飯是此子所漬一云植之以避火災

虎茨樹不盈尺可以盆種吳越間皆有之難活  
余鄉人亦有携來者輒死吾地旣無虎茨始以

南燭代之

黃楊有二種中南山者不及漢南種之久高不盈三尺圓如車蓋華下東文豸有大樹二與簷

齊

枳殼花白色而清香吾地成林種者花時遠望如一帶雪山殊可人而人以多遂賤之

木槿薜華也有紅白二種古云朝榮夕瘁今亦未盡然此花有千瓣大紅者聊以代佛桑俗呼

夜合花非是夜合自是合歡合歡對如梧桐葉似阜茨互相交結至暮而合五月花紅白若絲茸俗呼爲玉麻英此真夜合俗又以百合爲夜合亦非

淨土對在鄂縣南十里傳云是鳩摩羅什從西方携來者結實如粟中皆土臭不可近對下居人多作翹羝不可植慎氏謂在高陵誤

重慶衙署有大對曰黃葛秋時亦結一青角慎

氏亦云忠州景德觀前有黃葛樹即此物也

竹種既多吾地產者斑竹筋竹鳳尾竹紫竹數

種而已吾園有鳳尾竹千竿蔭吾樓後廊瀟然

一碧映人王子猷云何可一日無此君蘓東坡

云無竹令人俗二子可為苦節君千載知已

櫻桃一名含桃爾雅棹荆桃古極重之月令仲

夏天子薦于寢廟今吾地有二種一樹矮葉小

實亦小而紅名火珠一樹高葉大實亦大而紅

黃名瑪瑙櫻桃然味甘不如蜀中者

以下  
果品

杏實不足啖中有一種甜仁者其仁可作茶供

巴且杏出延安吾地種亦多大都種之則善變

故耳

桃有銀桃金桃匾桃等吾地皆有之惟涇陽金

桃大至如碗味美為關中絕品他方不及也

李有紅黃二種黃者曰玉黃出邠州者佳吾地

所出紅而大者亦佳

有一種梅杏用桃杏本接葉如李實黃如杏核如李味兼桃杏此非江南梅也然亦不大佳又有一種李桃葉似桃實紅似李無毛核則真桃核子種佳果也

柿類吾地極多不可勝數唯深秋淡黃一種俗名外殼藍并火珠小柿佳民家及山下成林種以代糧射利生噉澁舌須溫水于釜投之隔宿食謂之澁柿然不解作餅河南山西作餅柿反

堅不堪澁食

澁音覽字出齊民要術

安石榴有酸甘二種酸者不堪種甘者有青皮紅皮其中又有紅白子二種子大者堪嚼但吾地不及潼關者潼關者又不及河南

銀杏子火煨食清苦其對高十餘丈大數百圍中南說經臺下并重陽宮皆有此對是前朝物然對有雄雌子亦如之三稜者雄也種必成對四五十年方實其花人無見者一云夜半開卽

落未知是否

梨花既多韻實亦堪解消渴吾地梨惟水梨佳然不及邠州水簾洞香水梨邠州者又不及河間之秋白梨河間人取其汁熬作膏送遠人云下痰止渴南中宜梨洞庭梨未見

棗種亦多唯俗名金剛拳一種大而味佳可生啖晉中棗作乾則佳生啖無味聞趙州有大棗更大于金剛拳未見

來禽一名花紅以其實紅來禽啄故名又云林檎味殊不佳

來禽汁西邊人取作煎或作紙皆不佳

奈亦來禽類殊小有紅者味亦不佳

來禽奈只是棠梨類稍不同耳且此種大小皆酸紅白不齊名亦甚衆山東北直隸有沙果極甘脆可噉只是奈對接成者其中有硃砂紅鴈過紅枸根等唯熟于夏者佳吾地則無似可移

致也

蘋婆乃來禽之變北方珍果古不經見王元美云翻譯名義曰蘋婆此云相思也蓋梵音唯楞嚴諸經有之按洽聞記稱唐永徽中王方言於河中灘拾得一小樹栽之及長乃林檎也實大如小黃瓠色白如玉間以朱點味非常美進高宗種于苑中以爲朱奈又名五色林檎或謂之聯珠果上賜王方言階文林郎又謂之文林果俗云蘋婆果此乃真蘋婆果耳

此果產北直保定者佳歲至二三月貨之京師極貴吾省商州亦多近長安中多植但不能久歲久歲或別有法

胡桃中南山中多有之其剗大多陰有蔭蔽數畝者

栗亦產山中唯子午谷者大然善蛀此與胡桃山中人出貨者無數不必植

余在蜀蜀栗無一蛀者不知何故

胡桃唯北方有廣州極重與棗柿謂之北果

松子山中人時來貨十無一仁較京師貨遼東者差小啖之多則口作苦

又梧桐子極似胡椒亦堪噉滇中有梧桐子大如指不曉何物

榛子中南亦有之差少

文官果產山東吾地亦有其實大似馬金囊味

清苦馬金囊山滇中有大皮如櫛紫色內包穰如紫泥穰內狀子子又有皮如楓子內仁白作蝸牛盤旋狀食之但甘過糖其物蔓生聞在彼中爲催產要藥

榲子聞甘涼州有之未見其對

拐棗亦生西邊近有移植者葉大婆婆姿可觀棗如草節屈曲間有一子生其傍食之作棗味

葡桃紫白二種漢皆自西方來但西方白葡桃

極佳不似吾地者帶酸

吾地葡萄亦作二種其子稀者能大而佳

西方又有綠葡萄無核而更甘于白葡萄價極貴非貴人不得食也

又種瑣葡萄如胡椒亦甘在綠者下白者上

枸杞唯鎮番者可入藥余曾種之視吾地產太

甘枝無刺用屈盤作盆景紅子纍纍亦佳

吾地西瓜註長安縣定州村者佳然不及河津

與北直者甘美

又種甜瓜其蒂是苦丁香入藥其瓜卽西域人作乾者瓜乾味不及綠葡萄然亦貴

蓮實不惟乾者爲益脾藥生噉自是佳果藕則北方者不及南方余在蜀中有一種藕皮紫極脆美消如梨吾地無有也白蓮藕稍勝紅者

芡卽菱也有二種一四角一三角三角中有嫩皮而紫色者尤美西陽雜俎四角三角曰芡兩

角曰菱

茨一名雞頭實一名蓂與菱皆水生然菱性寒  
茨性溫仇池筆記菱花背日茨花向日故也  
茨菰一名鳧茨葶薺一名地栗與上四物皆水  
生可種之池中與蓮實以時生取之爲茶供  
蔗產南方吾地亦可種味殊減  
木瓜花如海棠楹梲花亦佳然皆不堪噉  
枇杷南中多然味不佳近吾地亦有種者

金橘三種一種圓大名彈子橘一種尖長名鳳  
眼橘卽南呼牛奶橘一種小名豆橘皆以枳木  
就接作玩非如南中多供果食

橙自是一種似橘非橘可以蜜漬者北方無橙  
呼枳對爲橙非

柑類極多古有譜蜀中唯簡州者佳南中多佳  
種京師賣福建柑極佳吾地不產近有移植者  
亦能實但不多唐天寶十年宮內柑結實亦止

一百五十顆便成異事

又種佛手柑古無或近代始有之

橄欖南中產鹽蔬食醒酒核亦可食

香櫟南中多有不堪噉但實大而香取置齋中

供佛

荔枝古有譜以閩中者爲佳然貴妃所食乃蜀

中荔枝今涪州江邊有一枯樹云是當時貢貴

妃者殊誕重慶人家多有荔枝余啖之取其核

種卽生但不能于秦地因憶西京雜記漢武有

扶荔宮移荔枝百本植其中今上林乃無可見

前代帝王之盛

龍眼名荔枝奴蜀重慶亦有之此二種吾地必

不能實者曰少時曾噉故漫及云

秦中蔬品葱韭蒜芹波陵茄瓠蒿苣莧荈蘿蔔

蔓菁菘芥胡蘿蔔瓜豆而已野蔬薺蕨之外其

餘尚多不能悉記但取其可辨證者數品列之

以質博雅君子以下蔬品

韭有二種其一種葉潤而直俗曰立韭當是礎也

蔓菁苗根皆可食諸葛行軍所種者

菘是俗名白菜者冬中取入窖壅以糞便是黃芽

芥有二種一種葉多缺者佳

以上三種里中小兒皆能辨之而爾雅翼乃謂

芥頭即蔓菁王敬美信之誤矣敬美又謂另有  
一種諸葛菜不知是何菜

王敬美疏又似以黃芽另一種非菘者又誤蓋  
緣北方窖菜敬美南人未見耳

黃獨即山藥別種山藥根長黃獨根區如生薑  
杜詩注以為土芋非

莧則白者勝紅者四川人多食紅莧

芋一名蹲鴟二種水芋佳蜀地多北方但有土

芋唯堪煨食不熟則戟喉

胡蘿蔔有一種黃色鞏昌者佳白蘿蔔鞏昌有

至五六十斤者甘而消如梨諸道不及

圓者為匏然有一種俗名木胡盧不堪食長者

為瓠味勝匏又一種細腰者非食品

王瓜月令鄭注葦挈也夏小正云王萑秀王萑

即王瓜本草作菝葜云與葦薜類又名王瓜草

圖經云王瓜生于野田澤墻垣葉似栝萋烏藥

熟了缺有毛如刺蔓生五月開蕾

澤丸生青熟赤根似葛細而

氏春秋又作王萑注萑當作瓜

則其形色似非今蔬品中黃瓜石

以黃瓜為王瓜

似石壁專類云稍瓜王瓜是名瓜

堅長者名稍瓜既與王瓜同

此說

謂菘菘之由葉與王瓜相近故云于

一云其實曰黃瓜黃瓜之非枯蔓明

瓜未知爲二物一物



